

# **P R A V I L N I K**

## **o odijevanju nosilaca pravosudnih funkcija, službenika i namještenika u pravosudnim institucijama Brčko distrikta Bosne i Hercegovine**

### **POGLAVLJE I - OPĆE ODREDBE**

#### **Član 1**

##### **(Predmet)**

Ovim pravilnikom određuje se način odijevanja nosilaca pravosudnih funkcija, službenika i namještenika u pravosudnim institucijama Brčko distrikta BiH (u daljnjem tekstu: pravosudne institucije).

#### **Član 2**

##### **(Obaveznost)**

(1) Svi nosioci pravosudnih funkcija, službenici i namještenici u pravosudnim institucijama dužni su, u toku radnog vremena, odijevati se prema odredbama ovog pravilnika.

(2) Svim nosiocima pravosudnih funkcija, službenicima i namještenicima u pravosudnim institucijama zabranjuje se nošenje vjerskih obilježja u toku radnog vremena.

#### **Član 3**

##### **(Način odijevanja)**

(1) Nosioci pravosudnih funkcija, službenici i namještenici pravosudnim institucijama, koji ne nose uniforme, dužni su u toku radnog vremena nositi:

- muškarci: klasična odijela s obaveznom nošenjem kravate;
- žene: - suknje dužine minimalno do koljena;
- pantalone klasičnog kroja i dužine;
- gornji dijelovi odjeće klasičnog kroja, minimalne dužine preko bokova, sa rukavima, neprozirnog materijala, bez dubokog dekoltea,
- obuća: nije dozvoljeno nositi papuče, a obavezne su čarape;
- identifikacione kartice na desnom reveru, osim nosilaca pravosudnih funkcija i stručnih saradnika.

(2) Izuzetno od stava 1 ovog člana, rukovodioci pravosudnih institucija, svojom odlukom mogu odobriti određena odstupanja u odijevanju zaposlenih, u skladu s vremenskim prilikama u periodu od 1. 6. do 1. 10. tekuće godine.

## **Član 4**

### **(Odijevanje službenika Sudske policije Brčko distrikta BiH)**

Zaposleni u Sudskoj policiji Brčko distrikta BiH dužni su za vrijeme rada nositi uniformu propisanu Pravilnikom o odorama Sudske policije Brčko distrikta BiH.

## **POGLAVLJE II- UNIFORMA, SIROVINSKI SASTAV I CIJENA UNIFORME**

## **Član 5**

### **(Pojam uniforme)**

Uniforma je propisana vrsta odjeće i obuće koju su dužni nositi službenici i namještenicu u pravosudnim institucijama za vrijeme obavljanja poslova radnog mjesta i to:

referenti za prinudnu naplatu (sudski izvršioци), vozači, kuriri, higijeničarke, domari, radnici na prijavnici i obezbjeđenju.

## **Član 6**

### **(Uniforma referenta za prinudnu naplatu)**

Uniforma referenta za prinudnu naplatu (sudskog izvršitelja) sastoji se od:

- odijela klasičnog kroja (pantalone i sako), tamnoplave boje, ljetno i zimsko, izrađenog od materijala s učešćem od minimalno 60% vune, ukupno dva kompleta, po cijeni do 250,00 KM po kompletu; košulja, dugih ili kratkih rukava (zavisno od godišnjeg doba), klasičnog kroja, svijetloplave boje, izrađenih od materijala s učešćem od minimalno 60% pamuka, ukupno šest komada (tri kratkih, tri dugih rukava), po cijeni do 40,00 KM po komadu;
- kravata, tamnoplave boje, izrađenih od materijala s učešćem od minimalno 50% svile, ukupno dva komada, po cijeni do 20,00 KM po komadu;
- cipela, klasične, crne boje, kožne, ukupno jedan par, po cijeni do 100,00 KM;
- jakne adekvatne vremenskim uslovima, crne boje, izrađene od materijala s učešćem od minimalno 80% vune ili od materijala sa 100% poliamida, ukupno jedan komad, po cijeni do 200,00KM.

## **Član 7**

### **(Uniforma vozača)**

Uniforma vozača sastoji se od:

- odijela klasičnog kroja (pantalone i sako), tamnoplave boje, ljetno i zimsko, izrađenog od materijala s učešćem od minimalno 60% vune, ukupno dva kompleta, po cijeni do 250,00 KM po kompletu;

- košulja, dugih ili kratkih rukava (zavisno od godišnjeg doba), klasičnog kroja, svijetlo plave boje, izrađenih od materijala s učešćem od minimalno 60% pamuka, ukupno šest komada (tri kratkih, tri dugih rukava), po cijeni do 40,00 KM po komadu;
- kravata, tamnoplave boje, izrađenih od materijala s učešćem od minimalno 50% svile, ukupno dva komada, po cijeni do 20,00 KM po komadu;
- cipela, klasične, crne boje, kožne, ukupno jedan par, po cijeni do 100,00 KM.

## **Član 8**

### **(Uniforma kurira)**

Uniforma kurira sastoji se od:

- odijela klasičnog kroja (pantalone i sako), tamnoplave boje, ljetno i zimsko; izrađenog od materijala s učešćem od minimalno 60% vune, ukupno dva kompleta, po cijeni do 250,00 KM po kompletu;
- košulja, dugih ili kratkih rukava (zavisno od godišnjeg doba), klasičnog kroja, svijetloplave boje, izrađenih od materijala s učešćem od minimalno 60% pamuka, ukupno šest komada (tri kratkih, tri dugih rukava), po cijeni do 40,00 KM po komadu;
- kravata, tamnoplave boje, izrađenih od materijala s učešćem od minimalno 50% svile, ukupno dva komada, po cijeni do 20,00 KM po komadu;
- cipela, klasične, crne boje, kožne, ukupno jedan par, po cijeni do 100,00 KM;
- jakne adekvatne vremenskim uslovima, crne boje, izrađene od materijala s učešćem od minimalno 80% vune ili od materijala sa 100% poliamida, ukupno jedan komad, po cijeni do 200,00 KM.

## **Član 9**

### **(Uniforma higijeničarki)**

Uniforma higijeničarki sastoji se od:

- dugih hlača, klasičnog kroja, izrađenih od sintetičkopamučne tkanine, pogodne za nošenje ljeti i zimi, bordo boje, izrađenih od materijala s učešćem od minimalno 65% poliester, ukupno jedan komad, po cijeni do 30,00 KM;
- tunike, dužine preko bokova, s rukavima do lakta, okruglog izreza, bez kragne, s kopčanjem na dugmad s prednje strane, iste boje kao hlače, izrađene od materijala s učešćem od minimalno 65% poliester, ukupno jedan komad, po cijeni do 30,00 KM;
- prsluka od debljeg materijala, štepani, s kopčanjem na dugmad, bez kragne, iste boje kao hlače, izrađenog od materijala s učešćem od minimalno 65% poliester, ukupno jedan komad, po cijeni do 30,00 KM;
- pamučnih majica, po jedna dugih i kratkih rukava, iste boje kao hlače; izrađenih od materijala sa 100% pamuka, ukupno dva komada, po cijeni do 15,00 KM po komadu;
- kožnih papučica, ravnih, naprijed zatvorenih, crne boje, ukupno dva para, po cijeni do 50,00 KM po paru;

- zimskih čizama, kratkih, ravnih, crne boje, kožne, ukupno jedan par, po cijeni do 100,00 KM.

## **Član 10**

### **(Uniforma radnika na održavanju-domara)**

Uniforma radnika na održavanju – domara sastoji se od:

- radnog odijela (pantalone i jakna), plave boje, izrađenog od materijala s učešćem od minimalno 65% poliestera, ukupno dva kompleta, po cijeni do 80,00 KM po kompletu;
- HTZ cipela, ukupno dva para, po cijeni do 60,00 KM po paru;
- radnih rukavica, ukupno dva para, po cijeni do 7,00 KM po paru;
- dubokih gumenih čizama, nepromočivih, po cijeni do 50,00 KM.

## **Član 11**

### **(Uniforma radnika na prijavnici i obezbjeđenju)**

Uniforma radnika na prijavnici i obezbjeđenju sastoji se od:

- odijela klasičnog kroja (pantalone i sako), tamnoplave boje, ljetno i zimsko; izrađenog od materijala s učešćem minimalno 60% vune, dva kompleta, po cijeni do 250,00 KM po kompletu;
- košulja, dugih ili kratkih rukava (zavisno od godišnjeg doba), klasičnog kroja, svijetloplave boje, izrađenih od materijala s učešćem od minimalno 60% pamuka; ukupno 6 komada (tri kratkih, tri dugih rukava), po cijeni do 40,00 KM po komadu;
- kravata, tamnoplave boje, izrađenih od materijala s učešćem od minimalno 50% svile, ukupno dva komada, po cijeni do 20,00 KM po komadu;
- cipela, klasične, crne boje, kožne, ukupno jedan par, po cijeni do 100,00 KM.

## **Član 12**

### **(Nabavka)**

(1) Sredstva za nabavku uniformi bit će obezbijedjenja u okviru budžeta pravosudnih institucija za svaku narednu godinu.

(2) Nabavka uniformi će se vršiti jednom u dvije godine, osim u slučaju propisanom članom 10 stavom 1 alinejom 4, gdje će se nabavka vršiti jednom u pet godina.

## **Član 13**

### **(Povrede)**

Svi nosioci pravosudnih funkcija, službenici i namještenici dužni su se pridržavati odredbi ovog pravilnika u toku radnog vremena. Kršenje odredbi ovog pravilnika predstavlja lakšu povredu radne dužnosti, a učestalo kršenje odredbi ovog pravilnika predstavlja težu povredu radne dužnosti i povlači za sobom disciplinsku odgovornost.

### **POGLAVLJE III- PRELAZNE I ZAVRŠNE ODREDBE**

#### **Član 14**

##### **(Stavljanje van snage)**

Stupanjem na snagu ovog pravilnika, stavlja se van snage Pravilnik o odijevanju nosilaca pravosudnih funkcija, službenika i namještenika u pravosudnim institucijama Pravosuđa

Brčko distrikta BiH - prečišćeni tekst, broj: SuPK-1463/06 od 29.01.2007. godine, Pravilnik o dopuni Pravilnika o odijevanju nosilaca pravosudnih funkcija, službenika i namještenika u

pravosudnim institucijama Pravosuđa Brčko distrikta BiH, broj: SuPK-1585/11 od 23.12.2011. godine i Pravilnik o dopuni Pravilnika o odijevanju nosilaca pravosudnih funkcija, službenika i namještenika u pravosudnim institucijama Pravosuđa Brčko distrikta BiH, broj: SuPK-808/15 od 25.05.2015. godine.

#### **Član 15**

##### **(Stupanje na snagu)**

Ovaj pravilnik stupa na snagu danom usvajanja od strane Pravosudne komisije Brčko distrikta BiH i objavit će se u Službenom glasniku Brčko distrikta BiH.

Broj: SuPK-47/17

Broj: 30. 1. 2017. godine

**PREDSJEDNIK**  
**PRAVOSUDNE KOMISIJE**  
Safet Pizović, s. r.